

番外書冊

		和書門	
		二六三四五	
二架		七八號類	
四冊			

內閣文庫		和書	
二六三四五		七八號類	
二架		四冊	
二六函			

詩集

內閣文庫	
番號	和 26345
冊數	4 ( 2 )
函號	206 159

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak






峩嶺先生文集初編卷之三

淺草文庫

平安 滕義鄰季德著

南越 尻之拍文舟輯

後越 山本敏子功校



五言排律

分題賦西塔辨慶

妙齡登巖嶽、黽習毘尼、磊落男兒志、虬然魁梧姿、  
教禪深已造、韜畧頗相窺、所向前無敵、何圖後有師、  
風雲千載會、魚水一朝知、臨陣專驂東、見綫助義旗、



童謠傳布粟友愛失墳窟芳嶺流移日安關跼蹐時  
純忠忘細謹苦肉合權宜將寡常推衆奉公不省私  
勤勞隨奧羽餘勇震蝦夷惜也衣川役立枯令世悲  
初謁平洲先生紀德民字世馨別号如來山人  
解后披雲霧坐來鄙吝麻寬容延後學名望著諸侯  
叨以凡庸質幸陪博雅遊生徒渾俊秀談客各風流  
堂外履常滿塾中俸自優江山開畫障花竹繞書樓  
已入芝蘭室豈無木李投餘光君莫惜隣壁好相求  
春晚與諸子過茹淡真人林亭

到來天地別豁達洞中春園暖侍童喜林深幽鳥馴  
蒼苔鋪席軟翠竹映盃新佳境宛仙窟同遊豈世人  
吟詩題石上移榻就池濱蝶戲尋芳葉魚連動綠蘋  
易緇青玉案服古白綸巾長者知招隱郎君亦敬賓  
桃源應不遠聊此避風塵

假山水

水竹幽情足迎秋轉可憐築山三兩簣擬澗若干軌  
豈是民膏血總從吾手肩雨過多露裏日夕早涼傳  
老蝶疑春至殘螢嫌月圓官餘看自得遊賞坐忘年



五日北君友源仲永至

流年驚客思，令節首偏搔。出處終難定，風雲不易遭。  
罷朝催假寐，排悶讀離騷。薄俗沈舟羽，背憎升木猱。  
世人雙白眼，吾輩舊緋袍。爛醉敲紗帽，吟心入彩毫。  
遠來交誼厚，為慰吏情勞。

秋夜小集 得霜字

日斜炎漸歇，欄外引微涼。留興金罍滿，論詩銀燭張。  
音清能中律，筆健立成章。照榻天如水，捲簾月似霜。  
鴻書驚異客，鱸膾感思鄉。落木風初動，寒砧夜更長。

蒼聲頻促織，螢火已沈光。聞笛厭離曲，彈琴易斷腸。  
林泉無限好，不覺露沾裳。

飛鳥山觀花

韶華天壤偏，淑景及花時。緩步乘春暖，新晴愛日遲。  
隔溪黃鳥響，繞嶺白櫻垂。意氣豪雄客，形容輕薄兒。  
紅羅霞鬢豔，朱幔錦離披。往往盃盤滿，行行綵管隨。  
興來猶探勝，心會較忘疲。雲鎖中峰寺，苔埋前代碑。  
偶逢幽邃境，不覺夕陽移。莫問歸途遠，此遊難再期。  
早春集喜馬淵長村子成見訪



晴日扇和氣披雲對二賢游絲簾外度錦字筆端傳  
良會迎荀陸不才慚茂先腰間龍並躍坐上壁相連  
交定膠彌固心閑談自玄幽期難屢卜莫管漏籌遷

春江泛舟

得庚韻

泛舟乘暇日波穩鏡容平夾岸桃紅媚逐風柳絮輕  
魚浮吹細浪鷗戲弄新晴欸乃漁歌競斜陽蜃氣生  
景憐雲夢小人似武陵行流淨堪垂釣塵疎宜濯纓  
峰環青未了樹密綠如迎留棹酒家近指壺隨意傾

夏日過友人莊

得二蕭

滿林佳木秀極目綠陰饒懸水當階濺薰風度澗飄  
門無停俗駕洞似聽仙簫自為炎蒸遠且忘市井囂  
村童時弄笛野叟或耘苗鷗逐沈浮浪鱗隨來去潮  
清涼天地別世慮雪冰消蓬首脫巾醉歸程不問遙

寄題漆谷山房

漆谷山名在讚玉藻城側房主名苟簡

遙傳肥遁士家住冷川隈空翠欄前滴浪花門外開  
藻城隨極目屋島入銜盃高尚濯湯操登臨許掾才  
白春紅躑躅濕雨綠莓苔漁火時明滅釣舟或去來  
劔峯摩斗漢壇浦激潮雷名境漆園似交場惠子陪



觀魚塵想息，為蝶夢魂回。西望飛騰甚，恨無航海材。  
荅人問東都春色如何得十三元

韶風通萬里，瑞靄鎖千門。壽獻南山頌，宴開北海樽。  
少年裘馬富，游妓管絃繁。邸第誇佳麗，宮樓擬

至尊。繫舟烟柳岸，載酒白梅村。珠翠乘時貢，珍奇射  
利屯。霞深迷客跡，桃綻記仙源。東都一冠蓋餘唐制，

文章有漢存。鬪雞將走狗，無不聖明恩。

初至小千谷

長程三百里，山路後崎嶇。薄暮投其驛，詰朝秣我駒。

蓑衣侵露發，蓐食見星徂。海內皆兄弟，天涯一腐儒。  
舟遲登岸遠，擔重繞峰迂。樹色分濃淡，村園入畫圖。  
籬栽彭澤菊，膾似季鷹鱸。隔谷招妻子，上堂拜舅姑。  
野翁交慰問，不敢覺鄉殊。

秋雨小集

書窓連日暗，勝景雨中移。風暴葉飄急，籬寒菊放遲。  
塵埋靈運屐，空下董生帷。壁紫溪間栗，剝紅霜後梨。  
老來耽杜律，興至誦毛詩。聊做離騷賦，且裁薄命詞。  
萍遊違夙志，蓬累負明時。滑稽人皆是，陸沈唯自



知山林安鹿性、藜藿飽豚兒、幸有羣賢訪、慰吾幽獨  
悲神交存目擊、默契愜心期、瀑布簷頭滴、烟流檻外  
垂、丁東傳鼓瑟、鏗爾訝圍碁、切切吟蛩響、相和欲想  
誰、

冬夜同諸子遊專正寺

香刹忘歸夕、不知冰雪寒、祇林花世界、編戶玉闌干、  
值此風流會、誰無醉飽歡、命題催筆研、促席脫衣冠、  
羹熟醞醐味、燈輝瑪瑙盤、庭松餘矍鑠、窓竹問平安、  
絲抱連城塞、豈言按劍看、石爐添獸炭、棊几對蒲團、

憂拂盃中物、德馨室內蘭、獻西州乘興處向曉賞心殘、

奉觀

聖製新宮落成示源大樹之作恭寓竊拈之微忱

奎章雲漢倬、膏潤遠昭回、宵旰軫

宸慮、華戎仰

睿才、會同隨禹貢、率服比周臺、講禮竣龍集、助儀稷契陪、

具瞻傳節彼、歌頌詠明哉、輪奐看神構、經營悉子來、

二宮連日月、三殿擬蓬萊、霞外雕甍聳、門頭象魏開、



羣飛槐棘座、鱗萃棟梁材、壯麗

天顏喜、

恩榮仙樂催、吾儕叨螻動竊獻

萬年盃、

繫舟棧岩 在北越常司士驛西南

怪石長千丈、尋涼且駐舟、行厨携所有、馮几不勞求、  
疑到鮫人室、似迷蜃氣樓、介鱗晴出沒、鷗鷺對沈浮、  
解劍懸青壁、洗盃臨碧流、秋風羈客恨、鱸膾動鄉愁、

秋夕望野 得六三

秋至四隣寂、出門一望、三村童吹笛去、野老取鋤提、  
斜日照鴉背、晚風送馬蹄、長橋流水北、幽寺白雲西、  
候社將開酒、迎晴好杖藜、烟籠蓬幕宅、畫寫薜蘿棲、  
吟步為山住、詩篇逢景題、林枯分地界、稻熟滿町畦、  
相顧川原渺、隱心興不睽、

寄賀清音樓新成

景色鍾神秀、凌雲層構成、江山來欲語、花木笑如迎、  
鄉僻樵漁雜、林深鳥雀鳴、川流分信越、洲澳擬蓬瀛、  
岸斷看無地、境閑畫有聲、居然并四美、因見主人情、



秋夜雨集友人宅 得二蕭

不用愁風雨相攜登麗譙主人延愛客新識類同僚  
鳴玉竹枝動隔簾梧葉飄筆濡詩未就窓暗燭頻挑  
雲雁定霜濕寒將何寂寞琴彈原子室酒酌許由瓢  
滴急疑飛箭聲繁恐破蕉時論遺逸傳拊髀坐遙宵

清音樓始會富仲亮 時雨

偶到張華指樓座士龍先是予與仲亮故比云把手迎風神  
如壁潤文思似泉生題柱長卿志請纓終子情檐前  
懸雨足暮色送鐘聲萬壑看埋沒扁舟訝畫成忽因

傾蓋話喜約斷金盟肄業春秋富預期青紫榮

六言律

盛夏晝寐 得先

苦炎蒸向何避流水傍槐樹邊蟻拜為南郡守蝶飛  
化漆園賢漏籌知是三刻榮貴已過百年厨下黃梁  
未熟夕陽猶有殘蟬

雁來紅 得滿字

木落千山已寒葉榮南苑猶暖吟情坐對秋闌壯觀  
偏忘日短揚彩蜀雞并飛知時北雁來伴娑娑舞金



籙齋集 卷之三  
風凜綽約敬手玉露滿

初開講會

日本橋南驛路支那川北通莊風流集琴樽會新舊  
同翰墨塲春色登樓萬里晴霞布繡東方興來不覺  
才拙詩就猶聞曲長

七言律

除夜

留滯東南業未成僑居依舊守柴荆兒童皆喜青年  
至孤客獨悲白髮生散職閑多安懶性微官俸薄見

恩榮挑燈猶坐深更後回首故園萬里情

早春言懷

飄零自一住江濱事業依然空復春權貴爭居高敞  
地奢豪誰問側微人醫生衰老書邊眼星散交遊客  
裏身久已窮閭甘淡泊不知薰灼馬蹄塵

訪春元晦伐木洲幽居

故人家在荻蘆洲多暇飄然試一求南陌直連歌舞  
地居南接  
近戲塲前川或繫釣漁舟彈琴月夜迷歸雁解印

江村馬睡鷗莫道別來疏濶甚笑談無恙舊風流



次韻玉芝山人見寄贈三首

松蘿掩映白雲閑，琴外溪流枕上山。時後神方原做  
張心中齋術可希顏，樵蘇親善風塵裏，猿鶴來馴泉  
石間。偏為故人交誼厚，分明夢裏到柴關。

幽居卜得葺門閑，來往顧吾遠下山。書劍風塵空短  
髮，金丹藥石久童顏。交場相約形骸外，樂地堪求名  
教間。仙鼎為分方寸七，頓令二豎出諸關。

茂竹清泉境自閑，路過赤水入青山。刀圭濟世神仙  
術，縫掖談經拙者顏。黃菊深秋書案外，丹楓落日藥

欄間。羨君高尚揖巢許，肥馬輕裘總不關。

一谷懷古

蒙塵忽遽建龍旂，無限蒼溟對翠微。萬馬銜枚降間  
道，三軍破竹襲宮闈。干戈猶慕絃歌響，玉石同埋文  
武衣。昔日風流何所見，唯餘花鳥映斜暉。

東叡山觀花

百花春滿梵王臺，疑是河陽易地來。風送暗香門外  
度，雲含暖意杖頭回。笙歌携妓誰家子，碑字問僧何  
世才。數處溪山行未盡，鐘搖上界落暉催。



孟春始架書樓

新葢茅檐比講堂，舊書交無恙。此來將，塤箎并奏元同調。萍水相逢半異鄉，幽澗鶯遷催暖響。隣園花滿送餘香，罇前風物看如此。濁酒枯魚且勸觴。

過萬行寺

日氣氤氳卉樹紅，香臺一路徬河通。石牀花滿曼陀雨，窣閣松傳般若風。棧女停歌窺喻法，漁人收網問談空。禪餘試向深潭咒，不妨神龍降鉢中。

送廓然師姑還鄉

去留豈是世中看，別意何論行路難。春晚江東花已盡，地偏越北雪猶殘。雲深金錫杖邊響，盟隔白蓮社裏歡。聞說置郵人若織，音書幾日報平安。

送川維全因疾歸信陽

往年來侍

講堂分手別愁深，添得杜鵑淚不禁。學業參差霜露患，鄉情繆繆莠莪吟。家無僮僕勞薪水，才有風流愛酒琴。千里長程須自重，斑衣為慰老親心。

寄賀信陽秋水道人六十初度

二首

勝境高開山水鄉，祥雲佳木繞禪房。鏡臺

山名明月臨



經案冠嶽清風響法堂天姥

山名此借用

捧花時侍立仙

翁採藥或相將空門自有無量壽何羨人間不老方

香臺近接筑摩

名河流

野鶴孤雲令與留南極星迴輝

壽席西條

名山

翠秀映書樓古歌曾詠每田月戰地猶

餘中水洲聞說山川多絕勝何生羽翼縱登遊

寄題望嶽亭

在信陽即秋水書齋

溪流一帶抱山回塞地風烟掌上開春草平鋪跌坐

石天花長傍講經臺更科月色當窓出千曲

筑摩又書千曲

水光入檻來起捲疎簾雲外望芙蓉積雪白崔嵬

觀瀑

蒼苔徑滑客攀稀萬丈懸泉倚翠微風送雪花清暑

路山含雨色沒晴輝玉龍看自雲間落白鷺遙連澗

口飛奇觀爭誇廬岳勝青蓮去後賦才非

又別後會河士訥

西東分手十餘春萍跡飄然何處真綫泣流言泉下

客猶疑會面夢中人各天紫氣雌雄合一座冰心兄

弟親相顧悲歌慷慨甚寧將花月老吟身

檢書篋中得春元晦贈詩卒然次韻四首



浮世棲遑塵事重、古來中散奈難容、顧吾微業遼東豕、知子雄才冀北龍、翠挿紅花他日別、白雲明月幾時逢、近聞遊跡無常所、一路飄然未認蹤、

世故紛紛別恨重、交遊久隔舊形容、唯憐幕上新巢燕、誰辨池中潛伏龍、輕薄少年何可數、老成知己再難逢、頽齡抱病相思切、扶杖近來欲訪蹤、

憶曾風雨宿君家、剪燭西牕話月花、一座琴樽空夢境、各天雲樹幾年華、懷人偶檢巾箱句、命僕聊烹石鼎茶、南北如今消息斷、交情胡事日參差、

僑居曾卜比隣家、咫尺同遊問柰花、夜雪扁舟乘逸興、曉鐘殘月競詞華、講餘時酌鴻池酒、醉後逾憐兒道茶、流水高山絃幾絕、天涯音信望中差、

謝川維全從信州贈魚

聞說犀河碧玉流、羣鱗潑潑出波浮、釣竿纔下二三尺、芳餌先含數十頭、楊柳垂邊懸塔簞、蘆花深處繫輕舟、長程因見殷勤意、藜藿相和晚食調、

寄題富君貞悠夕館

講堂初築御溝濱、鶴雀含魚瑞氣新、門下何容庸俗



士關中多識姓名人讀書窓挂藤蘿月秉燭遊移桃李春遙羨風流才子會琴樽一座日相親

題川中島戰圖

犀筑流分二國營千羣戎馬共爭衡霜臺鋒銳風振槁甲帥帷籌死入生滿野旌旗遮日影漲天鐘鼓激雷鳴霸圖雄略今何在青史空留全盛名

始醮

鰥居幾歲守茅檐老去商瞿對鏡奩若有賢才如德耀何妨醜態比無鹽春秋久闕祖宗祭家室初分內

外嫌從此不勞箕帚役好繙經史事鉛槧

值岩井太孺人忌辰陪祭

久奉雄藩訓女曹肅然內則一時高中箱塵積留遺黑衣桁風搖感舊袍純孝空供冰上鯉微誠同薦澗溪毛不看彩服兒孫舞重對靈幃心緒撓

勝山侯大夫源汝翼見臨賦謝

曾傳物子社中盟奕世彌全堂構名青紫秩加如拾芥鹽梅任重可和羹席門錯認陳平宅蓬室枉存原憲情自是窮閭幽賞少應看鷗鷺浴江清



讀峽源武史

首功加爵比秦嬴，醬食邊疆數十城。奸計滅倫雖得志，私恩廢嫡竟非情。檄飛千里凱頻奏，鼎峙三分勢既成。豚犬難支天目敗，金湯社稷一時傾。

東橋舟行

楊柳橋邊解纜時，花槽竹榻命篙師。釣江翁候潮來去，行岸人隨景勝移。酒幔翻風三汊口，畫欄臨水二州涯。輕舟直過靈岩島，十里長程總不知。

喜川維全至

橋頭縮柳欲周暮，憐爾東遊不負期。火後無家親故隔，世間有債病貧隨。青雲夙志驥千里，白髮羈棲鳥一枝。老去窮愁何所慰，依然翰墨在題詩。

題滄洲居

主人業鬻書而頗有詩酒之好

勝地從來不外求，會心隨處即滄洲。半窓花竹供詩料，四壁雲山宜臥遊。奇貨誰知鹿裘物，明珠多是暗中投。陸沈翫世金門下，醉裏乾坤任去留。

從山王街移居淺草

行李自水

新晴解纜荻蘆洲，行李輕容一葉舟。千里水烟籠日



暗萬尋風浪蹴天浮、大挑照眼仙源路、垂桺惱情倡  
婦樓、既渡花川回首處、無端已到墨河流

初夏過善永寺

偶到招提日已斜、下堂鐘息宿林鴉、綠陰全染春餘  
桺、紅落僅殘風後花、祇樹闌干臨水出、芙蓉嶽色入  
雲餘、諸天夜色轉清迥、洗盡煩囂學結跏、

樂君鍾滕友德從成來歸喜而賦贈

瓜期任滿旅裝回、披錦晝行觀壯哉、皂蓋雕鞍環澗  
出、丹楓黃菊映山來、星光預動陳荀宅、世美並傳王

謝才莫道園林秋色老、松間明月照書臺、

祇役功成寄好音、歸鞍同慰老親心、期程郵傳光輝  
重、掃道郊迎意氣溢、萬里江山隨指顧、三秋風月入  
清吟、狂奴故態猶容否、乘興追陪翰墨林、

謝樂滕二茂才見惠華紙

溪藤數幅淨無塵、千里携來嘉貺新、青簡素練何用  
假、龍賓毛穎日相親、光瑩豈比東方產、精製果知中  
土珍、從此文房交友富、風花雪月伴吟身、

值先伯兄正岳淨子七周忌



瞻望無心復陟岡，川流不住七年霜。誰憐原上脊，令  
急不似雲邊鴻雁行。黃耳參差消息斷，白雲縹渺路  
程長。僑居多闕春秋祭，歸計幾時掃影堂。

某侯園賞牡丹

國色由來王百花，名園春滿轉堪誇。恩榮想見開天  
盛，富貴猶存姚魏家。影舞風前千段錦，香飄日下一  
欄霞。多情自是瑤臺種，留與騷人興愈加。

送村子成還紫陽

四牡駢駢王事勞，離堂賓友悉才髦。文茵雕轂催班

馬，綠酒金尊照彩毫。行賞中秋明石月，縱觀大海廣  
陵濤。假令借寇民情急，莫忘歸來慰我曹。

二洲晚景 得一先

霞鷺空飛秋後天，三叉江水二洲連。雲晴橋影虹霓  
度，潮滿櫓聲襖靄傳。浦口依微漁叟網，波間出沒釣  
人船。晚來殊有風光好，寒月珠明滄海邊。

己酉孟春初開講 二首

萬年橋北對松村，此日羣賢把手論。一片雲霞迎劍  
閣，半窓梅柳媚琴樽。相逢佳節風流會，同是清時雨



露恩美景歡心難屢得留連不厭到黃昏  
 聖代恩波天壤流詩書禮樂喜優遊文明重闈千餘  
 歲風德徧傳六十州暖動花香簾外度烟籠柳色檻  
 前浮稱觴竊獻南山壽魚藻歌成頌有周

行經梅莊 二首

何處韶光與最多東垌一路入深河園中雲暖蟠龍  
 卧林下晴來嬌鳥和未覺羅浮山上夢還疑大庾嶺  
 頭過行遊不帶風騷客士女懷春醉後歌

郭外倭遲野徑微蘆洲行盡及郊扉暗香風度知園

近幽處春深覺世非探勝聯翩車馬影踏青絡繹綺  
 羅衣林間求友黃鸝轉屢引靈鷲坐落暉

春日登三匝閣

在東武天恩山中二首

雲霞縹渺應真臺別有圓通寶閣開三派水烟涵岸  
 見二荒山色映欄來諸天花逐春風轉下界鶯迎淑  
 景催登遊誰問垂堂險綫度遷延夕未回  
 大悲樓閣水南東扁構巍然訝鬼工百尺危梯飛鳥  
 外千重複道彩雲中何年摸出靈光殿此日登臨覽  
 率宮禪室從來諸品靜惟聞仙梵答松風



春晚遊日暮里

吟行到處百花濃，况復風烟掌上鍾。  
絲竹怪聞啼谷鳥，滄桑敬見繫舟松。  
春深道灌山中路，黛拂筑波天際峰。  
詩酒留歡人未去，青雲寺裏夕陽鐘。

奉酬裁錦公子辱賜妍唱

望外恩榮存問頻，天然藻思出凡塵。  
風流滿座淮南客，詩酒同遊梁苑人。  
邱壑幽情容相鼠，江湖浪跡見懸鷄。  
何當翰墨西園末，萬壽稱觴咫尺親。

遊秋寺

逶迤江路到柴門，獨占秋光幽寺園。  
霞彩飄揚池底水，錦雲掩映夕陽村。  
曲眉豐頰如無色，笑靨微過似欲言。  
共遇清時騷客筆，斐然題詠徧籬垣。

過金地院呈金山和尚

先是師請予講魯論毛詩故言及之

城南咫尺隔塵喧，散步從容到寺門。  
雨後青苔侵錫杖，池心明月對書軒。  
風林永護將軍樹，金地猶餘長者園。  
縱是支公憐許掾，愧稱都講侍玄言。

庚戌新歲

蒼生同頌有虞天，習習韶風入五絃。  
百丈遊絲浮瑞



色千巖餘雪記豐年、城池波暖鳧鷖集、林苑霞斜梅  
柎鮮、聖代祇今方務儉、行期斗米價三錢、

新春初開會 就茶在二首

城外旗亭臨水開、晴風淑氣對羣才、舊知馴犬當門  
戲、學語雛鶯轉澗來、漁釣舟添詩賦興、烟霞色入獻  
酬盃、俱歡釀飲清時澤、永日同遊樂易哉、  
帘影舞風沽酒家、橋東楊柎水南花、窓含舊色三峰  
雪、日照波間一片霞、游手難酬清代化、交情為駐故  
人車、何顏又對諸年少、經術未明暮景斜、

品山晚望

緩步相携袖浦頭、風光無限望中浮、高低返照千江  
錦、出沒隨波萬國舟、暮磬寒生山半寺、夜絃歌競海  
邊樓、醉餘莫問來時路、更欲黃公壚上投、

奉寄懷大僧綱、覺勝導師 與師別後已向四十年

髻亂追隨瓶鉢邊、欣聞矍鑠道容全、毫光高射東方  
域、法味曾分南嶽泉、師曾住南  
京西大寺阿耨池澄心月色護

擊壇帶定香烟、老來衰憊思鄉切、歸計何當謁竺仙、

謝滄洲盛德惠烟竿

滄洲盛德惠烟竿



金鎖銀裝鏤綠沈、經塔意匠荷恩深、烟斜虹影生書  
幌、雲結層樓繞素琴、遠近相攜元凱癖、春秋好伴孝  
標、淫更憐燈下眠、醒後又把細篇助夜吟、

臨琵琶湖

昔聞明月石山秋、今上琵琶湖、上樓積水空波三萬  
頃、孤帆落日一扁舟、雲邊雁影搖騷思、霧裏鐘聲迷  
客遊、口實爭傳奇絕景、居然不羨洞庭流、

觀琉人入朝

得庚韻

薩戾一舉拔球城、絕域風濤不血兵、終作附庸隨述

職猶雖益服請朝、正夷歌繼樂追行起、甘蔗丹砂詣  
闕呈、歸日中山王若問、應傳文物與聲明、

歲晚書懷

他鄉久客少交歡、况復風塵屬歲闌、同調難逢流水  
曲、暗投誰辨夜光看、南飛鴻雁書全斷、西顧江湖盟  
自寒、聖代唯今空白首、猶甘藜藿腐儒餐、

贈智旭道者

三首應需

鶴髮龐眉老道人、清標灑洒出風塵、軍持掬月千江  
水、不惜探霞萬里春、法筏多年航苦海、衣珠到處照



迷津若非兜率天宮客，定是三生石上身。  
名山後處禮僧伽，朝入深雲夕渡河。戒定香翻阿耨，  
水神通鉢伏跋難陀。塵勞緣盡青蓮吐，淨業功成白  
石多。借問浮生田海變，百年回首隙駒過。  
風格超然一比邱，功名富貴託浮漚。閒窺身毒五千  
軸，行盡扶桑六十州。夜半鐘聲雲裏寺，空中梵樂月  
邊樓。誰言火宅無安境，此夕因師駕白牛。

過照專寺

秋霖新歇講經壇，萬本松杉白日寒。空翠暗沾雙杖  
鉢，黃花映出曲闌干。廬山開士能容酒，彭澤先生來  
極歡。身世相忘塵外境，林鴉飛盡夕陽殘。

客中始會山子攻空上人賦贈

將謂誰人為鼓琴，却欣此地有知音。光風霽月餘玄  
度，綠水青山得道林。玉樹香飄階砌秀，蓮花漏淨社  
中心。吾門今足稱游夏，淺學何望洙泗深。

辛亥之秋，予自關東移北越，請一空菴假充學

館二首

禹顏易地講堂新，寄住東西南北人。損益猶存三代



禮詩書同賴五方民階前山水開佳景戶外松杉卜  
 善隣處士從來無長物烏皮几上白綸巾  
 空門宿昔慙奇緣支院棲遲擬講筵吾道一貫神鬼  
 感斯文百代日星懸書窓映出寒光雪茶鼎移來幽  
 澗泉枉訓生徒村學究優遊瓦合度衰年

哭園子信

子信往年東出就予塾聞辛亥仲冬  
 夜死賊手慘然而作

才子風流原出羣如何非命訃音聞曾遊東武傳仁  
 術還入信山學梵文衣珠光沒鏡臺月馬鬣封高冠  
 岳雲丈夫雄志纓應結覆醢愁情孰共云

寶林山主要余與諸子同行偶有疾不果

王寵冒雪偶相携乃苦要淵明訪虎溪門子籃輿三徑  
 促高僧金策半塗候爾時遊賞雖偏羨如此頭風不  
 可躋回首匡廬雲氣霧裏天晴早晚上方題

送山子功赴江都

此夕津亭惜別盃關山千里望悠哉常誇雲外雄飛  
 志果見囊中穎脫才餘雪未消三國嶺殘花行問二  
 洲隈雙親待雨高堂上謾及瓜時莫不回

答人問長安春色



佳氣鬱蒼繞帝宸，官樓捧出五雲間。九重垂拱鳳龍  
座，萬國朝宗鷓鴣班。管廡梅開連北野，祗園花滿映  
東山。幽人猶記神泉苑，才女雲壇對碧灣。

弘道館新成

蓬室竹扉一講臺，他鄉卜築賴羣才。門移彭澤先生  
柳，春晚西湖處士梅。近水欄迎晴景倚，讀書窓為暖  
風開。文明時節經營足，燕雀翩翩梁上來。

謁彌彥神廟

時雨

越山第一古神壇，密樹陰森白日寒。舞殿塵封人不

拂歌臺，苔滑容攀難。千年畫壁餘丹碧，萬本青松護  
石欄。欲向峰頭尋瀑布，淒淒風雨鎖雲端。

早秋登淨玄寺

在北越雲浦二首

探勝一旬遊未回，泊舟偶叩遠公臺。開窓海面蜃樓  
涌，繞院溪聲仙梵催。詩律僉知禪月調，風流况復道  
林末。清言殊覺炎塵盡，暫爾忘憂託酒杯。

高樹新涼繞梵宮，登臨此日喜相同。雲邊佐島丹青  
淡，天末輪山紫翠濃。淨域生霜甘露味，歸帆何管石  
尤風。由來敬愛能留客，松籟寒蟬聽不窮。



釋采詩

覆載仁恩天地優，黎民萬古仰徽猷。  
汗尊杯飲苟仍信，蔬食菜羹豈不羞。  
日月文章通四海，流風事業亘千秋。  
官墻數仞誰窺見，猶把遺編此息游。

題綠陰亭

綠陰深處綠陰臺，多少園林望裏開。  
時水川光欄外淨，寶林山色案前來。  
幽情遺世樵漁跡，俊辯懸河主客才。  
滿目風烟無不好，星移物換此銜盃。

送諦應師赴宗山初瀨講二首

方外論文情日親，軍持戒尺旅裝新。  
蓬萊雲遠南天道，桑海濤高七里津。  
自是心空登第客，先知講座擅場人。  
名山霜後楓林好，何寄一枝慰老身。  
搖落千山秋色闌，加沙遙指白雲端。  
真如月照關伽水，實相烟開秘密壇。  
前路風霜須自愛，中原詞賦羨交歡。  
回頭重疊關河外，杖履歸來幾日看。

石山秋月 得韻尤

山湖相對眼中秋，名滿扶桑六十州。  
桂樹婆娑明月夜，殿花香馥郁繞岩樓。  
千林烏鵲飛無影，萬頃琵琶映



有舟雲跡猶餘才女詠長令騷客想風流

青葉笛

聞說上皇恩賜新戎行到處未違身吹臨關月梅  
花落清入海風折柙頻秘曲洋洋魚出浪餘音嫋嫋  
淚沾巾重圍應解王喬手感殺轅門多少人

題平薩牧詠倭歌圖

風流秀發措紳家世故紛紜心事差白雪猶傳千載  
曲春光不改舊都花生時嚴譴美名沒身後令聞青  
史加一自新題登秘閣至今餘韻滿天涯

千劍破懷古

孤城卓爾倚層峰百萬生兵圍後重狗吠雞鳴招食  
客木牛流馬走羣凶戰爭彌急雲梯械防守頻推矢  
石鋒六十餘州傳檄定終令牧伯再朝宗

詠松得二冬

偃蓋摩空百尺松綠陰深鎖影重重雲邊積翠疑棲  
鶴月下蟠根怪卧龍今古猶含風雨響春秋不改歲  
寒容願將喬木千年壽好獻明君色轉濃

縣氏大孺人值其伯兄故因州刺史嚴忌設魚



菽之祭令予陪食

曾隨玄聖受金丹，丹鼎功成餘舊壇。一旦青牛西度去，千年白鶴重來看。樓樓浮世滄桑變，肅肅神宮風雨寒。愧我凡襟非曼倩，分嘗王母薦桃殘。

遙賀尾藩文學五柳先生八秩壽宴

海內曾傳源巨卿，掌中詩韻豈虛名。千年品藻晉安石，一代儒宗漢伏生。翰染蓬萊雲五色，才高荆楚壁連城。懸車猶慕赤松跡，聞說仙丹今已成。

哭故土川神宦北郭嵐丈人

雙鳧昨夜向天端，此去靈蹤可覓難。雪隔東籬三徑地，雲昏北斗七星壇。碧潭龍沒驚波漲，華表鶴飛寒月殘。浮世不知神德徧，空攀蒂引淚闌干。

七言排律

寄賀金華山人老孺人五十初度

山人業鑿

鬱蒼佳氣滿仙臺，好為尊親壽宴開。王母蟠桃園裏熟，蘇公靈橘井邊栽。兒孫獻舞斑斕服，主客交歡琥珀盃。方績定知勤力訓，斷機何讓擇隣才。家傳仁術人相賴，傍愛文遊朋遠來。却恨天涯千里外，無由言



笑盛筵陪

題淺草寺

金龍山色幾千秋，臺殿崢嶸雲裏幽。一道神光迎綉  
照，寸餘靈像應緣留。塔標童子聚沙德，泥感貧婆布  
髮攸。窳蓋梵麗連畫棟，珠幡璀璨映丹樓。梅檀香度  
諸天外，蒼筤花開初地頭。法界禽魚終歲樂，雄都士  
女卜晴遊。江春為弔王孫柳，野渡猶傳中將鷗。海近  
晨昏聞梵貝，夜深風雨入篁篔。請看弘誓圓通九，瞻  
禮靡然傾八州。  
峩眉先生文集初編卷之三

峩眉先生文集初編卷之四

平安 滕義鄰李德著

南越 尻之柏文舟輯

門人

後越 山本敏子功校

五言絕句

山路聞子規

深樹陰雲合，杜鵑喚恨頻。行行聞不斷，愁殺未歸人。

寄遠 二首

君曾騎竹馬，妾始弄金銀。一別今何處，只傳在玉關。



歸期如有約、屈指日登樓、喜鵲聲相誤、信至報淹留、

閨情 三首

郎心如明月、妾懷似泉流、明月有時缺、泉流暫不留、  
過眼十年別、鳥啼花亦飛、夢魂何所見、夜夜向金微、  
關河千里路、歸計在何時、不恨妾容老、只恐郎心移、

觀水亭 并六景

逝川無極已、斯道豈相離、力學在童年、時過難再值、

右觀水亭

開窓如指掌、粧出碧雲鬟、中有閨宮血、可望不可攀、

右楓山疊翠

藍湛溝流水、風稀波自平、羣鳧浮又沒、刷羽弄新晴、

右通溝浴鳧

長流從磬沼、巴字抱城迴、蘋藻迎晴動、魚戲水紋開、

右繭谷迴流

平公曾割據、介弟獨風流、顛沛盧仝癖、廢園憶舊遊、

右有樂園跡

黃石名空在、子房欲見難、唯今餘鮑肆、龍斷市聲譟、

右圮橋三市

長安雜記 卷之四



繁霜天欲曉，響徹月邊鐘。呼醒孤客夢，深雲隔後重。

右龕中鐘聲

松峯六境 應羽人澤天卿需

白雪櫻千樹，翠微雲萬重。到來人不見，唯有鹿遊蹤。

右山莊幽徑

傳道飲龍池，中開天女祠。遠公餘淨社，倚檻想花時。

右風院佳境

兩畔垂楊岸，釣漁來往舟。行尋源上路，神境記軒遊。

右倉山前河 河源有天神七窟

帆影連雲見，雁行映水斜。神祠將佛閣，茂樹帶晴霞。

右米河晚景

山深人跡少，宗福寺門開。可想芙蓉水，香風滿岸來。

右宗福蓮池

神明山極處，路盡入松峯。閣道知天巧，上方雲霧封。

右松峯深處 有天狗紐橋及跼胎石

自月池到深河舟中

驚濤尤壯觀，看捲雪山來。七發堪裁賦，恨無枚叔才。

過菽寺



去歲曾遊地、望來花未央、可憐微笑色、半面美人粧、

天恩山

行舟且繫纜、步到日斜時、為是林泉好、每遊不覺疲、

登三匝閣

一百觀音臺、倚雲層構開、田禾黍熟、秋色掌中來、

題山水圖

繞屋千尋瀑、跨雲獨木橋、隱君知拔俗、壁上許由瓢、

宿大官驛

出都纔數里、土俗半農耕、欹枕四隣寂、只聞送杵聲、

宿鴻巢驛

薄暮解行李、山螢照驛樓、先知秋色至、葉上露光稠、

至熊谷

行行多少村、編戶對柴門、感物秋聲度、寒蟬四壁喧、

經蓮生山

萬古存遺跡、猶留豪傑姿、寺門松外柳、似拉大夫時、

宿倉加野

旅館何來雨、餘炎一洗空、始忘連日苦、疑入廣寒宮、

從一代至青山途中



激浪千湍響風雷百里聞長程行不盡前路只山雲

登三國嶺謂上信越也最高頂

昂峙三州界下窺勢最危石壁千尋險無客不言疲

三峰積雪

八蓋將駒岳金城一半開雲間三萬仞擎出白銀臺

早春大雪

人云風雪苦風雪信自苦吾愛皎潔形植物無所忤

郭巨畫扇贊

孝哉夫郭氏存母欲埋兒天鑒無私照金影響隨

後樂園七勝應二株松藩大夫之需大夫姓丹名忠謀字

君猷

風涼含綠影露裏蕩金波披對塵喧息寧無二仲過

右 綠竹徑

臨流移枕簟坐久睡眠生覺後聞金石何勞絃上聲

右 石泉館

夕陽千樹錦似坐畫屏中揮筆求佳句不如小杜工

右 錦楓岡

怪石波間勢半沈半欲浮張顛乘醉後脫帽似濡頭



右 浴池巖

清泉堪可掬、涵碧影分明、試向澄潭見、蟠龍波底行、

右 鑑松池

皎皎松間月、照吾邱壑襟、醉來何翅酒、對此漏聲深、

右 醉月亭

一樓雲外聳、百里掌中分、流水與松籟、枕音洗世紛、

右 大悲閣

社日有感

燕雁交來去、猶知物候移、如何千里客、留滯負歸期、

林下納涼

上蔭千章綠、下臨百尺深、風濤雷雨激、不覺暑氛侵、

水漲

連雨信川水、濤聲動地來、滔天方割勢、雪岳望中開、

七言絕句

題梅兒塚

王孫一去黑河淒、野渡無人望轉迷、千古唯餘江上、

艸、春來依舊綠萋萋、

東叡山途中



行踏昌平橋外霞長堤一望柵條斜香風漸度東山  
路來往無人不語花

首春講會喜嚴大夫見臨

不嫌雨露濕金鞍退食從容來盡歡  
渾為風流霑接厚舊前一座忘春寒

因雪有感

想曾每值雪花飛到處山川探勝歸  
老去如今衰憊甚畏寒終日掩柴扉

雪中江行

雪滿江頭三百枝玲瓏珠樹望中奇  
扁舟孤棹誰家子恰似山陰訪戴時

送川維全歸信州

連日滂沱雨足橫似留主客別離情  
憑添雙袖龍鍾淚流入江潭作水聲

晚秋携諸子遊驪山

病來無意問烟霞諸子促吾忘路賒  
殘菊早楓行可愛纔攀上界日先斜

哭服義克



而翁母即吾翁母、憂喜相分、兄弟心、何事一朝泉下  
隔、鶯花日好與誰尋、

會豁明上人

梵宇春深、澗道微穿、松傍柵、叩禪扉、講經臺畔、天花  
雨、坐對生公、忘世機、

賀久米原生、北堂八十八壽、代人

米年春滿、米家園、王母蟠桃、今尚存、初度良辰、開壽  
宴、含飴膝下、弄兒孫、

歸雁 得六麻

紛紛過雁入雲斜、風送琴音月照沙、羨爾相呼江北  
去、如何客子未還家、

山寺秋晚

寒山一路老秋容、寺外紛紛落葉重、回首林間麈尾  
絕、棲鴉飛散暮天鐘、

過邀月館、呈龜峯徵士、

白眼科頭林下風、琴樽留客結交同、清言曠達輕儒  
行、樂地何關名教中、

三緣山禮棲霞寺 在洛 釋迦像 二首



東遊去國十餘春、重拜梅檀古佛身、應化隨緣無不  
到、徘徊似對故鄉人、

懷昔家鄉竹馬時、世尊靈地日追隨、堂中不敢分明  
禮、恐有同年舊友知、

至日 時猶寄食寺門

暖律先回人未回、猶隨僧飯寓香臺、他鄉雲物看相  
似、夙志蹉跎衰髮催、

哭兒女

將謂明珠掌上、新忽埋光彩委泥塵、空餘弄瓦繡衣

裏哀殺他鄉垂老人、

詩稿失火 小序

先是予文艸數卷、將脫藁、故就島原侯亞大夫磐子  
言、請批評、丁未夜、不幸罹災、因有感、

構思十年謾費才、擬憑賢友定敲推、祝融似為吾藏  
拙、昨夜炎中飛作灰、

寒橋朝望

海頭波穩鏡容開、多少布帆掌上、來行到寒橋無限  
好、雲霞一簇日邊回、



別後會亭長三郎

杖蕩無家未卜隣，流移恰似避秦人。  
死生契濶交悲喜，疑是還逢七世親。

善永寺樓望嶽

此去名山路半千，遙看突兀倚青天。  
坐來寒意令人戰，積雪高擎八朶蓮。

直廬聽鶯

春光將盡少人知，唯有黃鸝惜別離。  
閑職終朝傾耳聽，好音宛轉似催詩。

臨海樓晚望

登臨常愛一層樓，江上君峯翠欲流。  
恰是丹青相映出，此中自有釣魚舟。

預約講會因雨誤期

前日剋期會講堂，雨師風伯使行妨。  
相望咫尺如千里，搔首空歌河廣章。

秋日訪明上人房

偷得官途半日閑，遙尋支遁入青山。  
風塵不到諸天外，更有寒蟬吟樹間。



卧内聽鶯

春來眠穩起常遲黃鳥頻呼夢覺時  
靦眔好音徼外曲此聲不許俗人知

哭孩兒

春夢忽醒滿目愁門庭景色颯如秋  
看來壞木無枝葉蝶舞鶯歌誰為留

盛夏喜雨

涼氣隨風白雨寒快哉平地起波瀾  
誰將銀漢一條水注作懸泉百道看

值女兄美後子忌

忌辰十七夢中過白露秋風如恨何  
手種園蔬和淚摘連枝凋落已無多

聞雁

秋風昨夜到衡陽過雁紛紛次第行  
何似倦遊多病客年年留滯不還鄉

雪中喜桐伯溫至二首

閑居寂寞少人來雪鎖門庭一草臺  
好事劉生時問字解嘲羞乏子雲才



風雪漫漫黑永干柴門地僻客過難舊盟唯有桐生在十里長程不厭寒

雨後觀花

園林雨罷暖風催多少遊人探勝來行到百花深處望春光悉在掌中開

恭聞白河侯任幕府師保喜而賦

躬勞吐握日求賢國有周公誰問然羣叔流言何足問猶期白雉獻朝年

少年行二首

寶馬雕鞍事治遊良家年少不知愁一言相結當壚女為解千金狐白裘  
弄罷烟霞暮未還金鞭直指酒樓間無端認得垂楊色換取名刀幾度攀

圓位法師

元是先朝弓馬臣飄然道骨出凡塵永言曾對芙蓉雪今古風流第一人

謁矢口廟

勇氣凌雲力拔山千軍辟易戰爭間雄豪誤落膠舟



新唐集初編 卷之四 十一

計重問水濱終不還

恭值先妣忌

孝養在遠風樹悲眼過二十有三期童年曾記夢管  
惠菽水歡情日已遲

村子成將西歸別宴戲賦

幾酌醇醪醉未回原知公瑾不羣才却嫌風勢東南  
便為是舟行遠別催

福山侯世子

名正精館曰裁錦

託弄臣平義篤賜貯烟

囊便面賦此奉謝

雨罷薰風入草堂吾伊偏愛寸陰長胡圖寒士衡門  
下玉帛戔戔見寵光

再用原韻奉酬裁錦公子賜高和二首

琉璃屏障鬱金堂公子風流清興長日落珠闌生爽  
氣披襟好對月明光

翩翩風度不垂堂監撫餘閒藻思長况對蓬萊宮闕  
近五雲高起筆端光

季夏始應福山嗣侯旂招

信陵寵命下夷門老去侯生見特恩高閣不知三伏

新唐集初編 卷之四



熱涼風滿坐對琴樽

哭好子

曾從漂母分餘食未報平生知己心  
滿目悲風無限恨白楊荒草淚沾襟

夏日訪津厚伯不遇

佳境漸深遠世塵千林花盡綠陰新  
柴門空閉人何處隔葉殘鶯似惜春

禁城早秋

秋聲暗度掖垣風滿樹新涼露始濃  
好是周廬更直

夜水晶簾捲月明通

邊庭早秋

秋風無處不悲哉沉復關河人未回  
萬里鄉園消息絕千家碁杆早涼催

山居早秋

幽居卜得沃州山深洞長松日月閑  
林下今朝飄一葉先知秋色滿人間

古寺早秋

山徑薜蘿綠欲紅寒蟬古木夕陽風  
頽垣偶值殘僧



新唐書卷之四  
語猶認前朝香火宮

次韻馬淵長見贈

宣室行期帝席前、清時何讓漢文年、朝廷如有  
秀才問、海內唯今賈子賢、

發東武城

久客江都二十秋、歸心日憶帝王州、無端今渡板  
橋水、却望江都是故邱、

經大士龕

千尋石壁架巖廊、萬派川流目下長、長路非經多少

險、如何得此好風光、

行李始至

已發東都六七旬、迢迢驛路隔音塵、今朝無恙琴書  
至、言笑恰如對故人、

題畫山水

調起江頭一張琴、高山流水總知音、興來傾盡壺觴  
酒、醉後焉知浮世心、

春日有懷二首

積雪山深暖未回、晴晨倍憶故園臺、烟花何處春尤



好東北院中鶯宿梅

懷昔同年遊子衣章臺走馬競輕肥仙源行盡桃花  
徑多少麗人踏錦蹄

二月偶作

平地邱山極目寒層冰處處雪猶殘稍諳邦俗撓擻  
利輕舉近來禹步安

始謁縣令

久聞子賤此留軺堂上絃歌政自調今日無端迎美  
餌世人將我比陽喬

哭澤家王母

園裏蟠桃飽歷霜兒孫分得幾年嘗胡圖一旦乘雲  
去空見瑤池青雀翔

日前蘭上人見訪賦此寄贈

蓑笠翩翩問草臺喜看方外子猷才山陰夜雪重相  
憶孤棹扁舟乘興來

草堂對雪

金城晴雪滿山光築就天邊白玉牆壯觀居然如固  
有捲簾來照讀書堂



十月二十四日好晴遙憶愛宕山

遙想平安西北山勝軍宮倚碧屏顏都人乘霽爭登  
眺滿路丹楓携得還

少年行

繫馬章臺垂柳邊胡姬笑引酒壚前興來何問囊中  
盡換取金貂醉後眠

我眉先生文集初編卷之四



